



Republika e Kosovës / Republika Kosova / Republic of Kosova  
Komuna e Podujevës / Opština Podujevo / Municipality of Podujeva

## DREJTORIA E ARSIMIT

### Raport 6 mujor i punës

Drejtoria Komunale e Arsimit synon krijimin e një sistemi arsimore të bazuar në cilësi, gjithpërfishrje dhe llogaridhënie, me mundësi të barabarta për të gjithë qytetarët e Komunës së Podujevës. Në funksion të kësaj, DKA do të sigurojë infrastrukturë shkollore moderne, mjedis të sigurt, të qetë dhe miqësor, kuadër profesional dhe kompetent për një mësimdhënie cilësore, që do të ju mundësojë të gjithë nxënësve zhvillimin maksimal të potencialeve të tyre, në pajtim me aftësitë psikike e fizike të tyre dhe me kërkesat e shoqërisë.

Shikuar në përgjithësi, dhe duke u bazuar në raportet e policisë dhe raportet e drejtorëve të shkollave, si dhe raportet e DKA, në lidhje me sigurinë në shkolla, mund të themi se në këtë vit shkollor gjendja e sigurisë në shkollat e Komunës së Podujevës është e qetë, stabile dhe e sigurt.

Këtë konstatim e përforcon edhe më shumë mbarëvajtja e tërë procesit mësimor në të gjitha nivelet e arsimit parauniversitar në Komunën e Podujevës si dhe raportet e drejtorëve të shkollave.

- **Mbledhja me drejtorët e shkollave**

Në funksion të sigurimit të një mjedisi të qetë dhe të sigurt në institucionet shkollore, drejtori i DKA mbanë mbledhje të rregullta me të gjithë drejtorët e shkollave, në të cilën mbledhje janë trajtohen temat:

- Siguria në shkolla – masat për parandalimin e dhunës në shkolla;
- Fuqizimi i organeve udhëheqëse dhe profesionale në shkolla;

- **Fuqizimi dhe funksionalizimi i plotë i organeve qeverisëse – udhëheqëse dhe profesionale të shkollave**

Duke ditur rolin dhe rëndësinë që kanë organet qeverisëse – udhëheqëse dhe profesionale të shkollës në zhvillimin dhe ngritjen e cilësisë në arsim, por edhe në sigurimin e një mjedisi të qetë e të sigurt në shkolla, fokus të veçantë i kemi kushtuar dhe do të vazhdojmë t'i kushtojmë fuqizimit dhe funksionalizimit të plotë të tyre (Drejtorët e shkollave, Aktivët Profesionale, Këshilli Drejtues i Shkollës, Këshilli i Prindërve, Këshilli i Nxënësve, Këshilli i Klasëve, Këshilli i Arsimitarëve, Shërbimi Pedagogjik-Psikologjik), me qëllim që këto organet ushtrojnë funksionin e tyre në ngritjen e cilësisë në arsim dhe në krijimin një mjedisi të qetë dhe të sigurt në shkolla.

Në këto mbledhje është konstatuar gjendja e sigurisë për secilën shkollë, si dhe propozimet dhe rekomandimet që kanë dalë nga ky takim janë përmbledhur në një raport nga secila shkollë dhe janë sjellë në DKA.

Bazuar në këto raporte mund të konstatohet se gjendja e sigurisë në të gjitha shkollat e Komunës së Podujevës është e qetë dhe e sigurt.

- **Zgjerimi i shërbimit psikologjik dhe pedagogjik**

Në Komunën e Podujevës kemi të punësuar 10 psikologë dhe 3 pedagoge dhe 13 asistente për fëmijë me nevoja të veçanta, e që shikuar në raport me numrin e nxënësve në Komunën e Podujevës është i pamjaftueshëm.

- **Sigurimi i transportit të nxënësve**

Komuna e Podujevës siguron transport të organizuar për të gjithë nxënësit që kanë distancë nga shtëpia në shkollë mbi 4 km., si dhe për fëmijët me nevoja të veçanta, në gjithë territorin e Komunës së Podujevës, që i vijnë mësimet në klasat për fëmijët me nevojat e veçanta, në shfmu “Kongresi i Manastirit” në Gllamnik.

- **Ndërtimi dhe renovimi i objekteve shkollore**

Me qëllim të krijimit të infrastrukturës moderne, mjedisit të sigurt dhe miqësor për nxënës, Komuna e Podujevës, në kuadër të planifikimeve të saj, edhe për këtë vit ka ndarë buxhet për ndërtimin, zgjerimin dhe renovimin e hapësirave shkollore.

- **Rregullimi i rrethojave të oborreve të shkollave**

Rrethojat e oborreve të shkollave ndikojnë në ngritjen e sigurisë së shkollave, dhe duke marrë parasysh këtë fakt, Komuna e Podujevës ka bërë investime të konsiderueshme në këtë drejtim. Shumica e shkollave kanë rrethojat e tyre, mirëpo ne do të vazhdojmë edhe këtë vit të ndërtojmë rrethojat edhe në ato shkolla ku rrethoja është e dëmtuar apo nuk kanë fare.

- **Ndërtimi dhe rregullimi i trotuareve për këmbësor**

Janë ndërtuar shumë trotuare qoftë në zona urbane, por edhe të atyre rurale, të cilat kanë ndikuar në sigurinë e këmbësorëve në përgjithësi, e sidomos sigurinë e nxënësve. Trotuaret e ndërtuara për skaj rrugëve që çojnë për në shkolla, ju mundësojnë qytetarëve, e sidomos nxënësve lëvizje shumë më të sigurt, andaj kërkoj nga Drejtoria e Shërbimeve Publike, që gjatë planifikimeve për ndërtimin e trotuareve të vazhdojë t'u jep përparësi rrugëve që shpijnë për në shkolla.

- **Bashkëpunimi i DKA-së me Policinë e Kosovës**

Drejtoria e Arsimit, për sigurimin dhe garantimin e një mjedisi të qetë dhe të sigurt në shkollë bashkëpunon ngushtë me Policinë e Kosovës. Në të gjitha organizimet dhe aktivitete që kemi realizuar, e që e kemi vlerësuar të nevojshme të jenë policia, e kemi pasur mbështetjen tyre. Gjithashtu kemi zhvilluar edhe takime të drejtpërdrejta qoftë me Komandantin e Stacionit të Policisë së Podujevës, qoftë me zyrtarët tjerë, ku i kemi bashkërenduar veprimet dhe aktivitetet e ndryshme, me qëllim që të jemi më efikas në kryerjen e punëve, detyrave dhe përgjegjësive tona.

Prezenca e policisë në afërsi të shkollave në qytet, sidomos në shkollat e mesme të larta është e nevojshme.

Presim që ky bashkëpunim në mes DKA dhe Policisë të vazhdojë edhe më tutje, në mënyrë që të sigurojmë një mjedis të qetë dhe të sigurt për të gjithë komunitetin shkollor.

- **Instalimi i kamerave të sigurisë**

Nga takimet e rregullta që kemi zhvilluar me drejtorët e shkollave, si dhe nga takimet që i kanë zhvilluar Këshillat Drejtuese të Shkollave në Komunën e Podujevës, por edhe me palë tjera të interesit, është identifikuar nevoja që në shkolla të instalohen kamerat e sigurisë.



Tani më veç kanë filluar të zhvillohen procedurat tenderuese për këtë projekt. Shkollat që do të përfitojnë nga ky projekt janë: Gjimnazi "Aleksandër Xhuvani" Podujevë, SHMLT "Fan S. Noli" Podujevë, SHFMU "Enver Maloku" Podujevë, SHFMU "Xheladin Rekalju" Podujevë, SHFMU "Dituria" Llapashticë e Poshtme, SHFMU "Kongresi i Manastirit" Gllamnik, SHFMU "Afrimi e Fahriu" Lluzhan, SHFMU "Zenel Hajdini" Lupç i Poshtëm, SHFMU "Ali Ajeti" Sfeqël, SHFMU "Naim Frashëri" Podujevë, SHFMU "Pavarësia" Sibovc, SHFMU "Hyzriu e Samiu" Letanc, SHFMU "Sheqë Mirovci" Shtedim (16 shkolla).

Në kuadër të përmisimit të kushteve të mësimdhënies dhe mësim nxënies në komunën e Podujevës janë proceduar për vitin 2023 këto projekte:

- Furnizimi i të gjitha shkollave me pajisje Kompjuter (jemi në fazën finale njoftimi për shpallje të kontratës) , për këtë projekt janë të planifikuara 200,000 euro.
- Furnizimi me Kabinete Muzikore, për këtë projekt janë të planifikuara 10,000 euro.
- Furnizimi me rekuizita sportive, është nënshkruar kontrata për këtë projekt që kap vlerën 15,279 euro.
- Në fazën e realizimit të projektit në bashkëfinancim me IOM në fushën e edukimit fillor pasije me kabinete në shkollën e Orllanit dhe Sfeqlës.
- Furnizimi me tabela digjitale për këtë projekt janë të planifikuara 300,000 euro.
- Furnizimi me kabinete Gjeografi, Histori, Matematikë, është nënshkruar kontrata ku vlera e saj është 48,681 euro .
- Instalimi i kamerave nëpër shkolla ku është nënshkruar kontrata, ne si DKA kemi planifikuar ti vendosim kamerat në objekte shkollore dhe të intervenojmë në disa objekte ku ka kamera ekzistuese ku do të përfshihen 9 objekte shkollore.
- Furnizimi për inventar në qerdhe (në fazën e rivlerësimit) , për këtë projekt janë të planifikuara 50,000 euro.
- Kemi Inauguruar Qendrën e parë të Karrierës në Podujevë :

(Në IAAP "Fan S. Noli" inauguroam themelimin e Qendrës së parë të Karrierës në Podujevë, bashkë edhe me Ministren e MASHTI-t, znj. Arbërie Nagavci.

Në këtë qendër të rinjtë tanë do të mbajnë trajnime dhe do të këshillohen nga trajnerë kompetentë duke i orientuar ata për tregun e punës dhe mundësitë që ofrohen në sektorë të ndryshëm për të zhvilluar një karrierë të suksesshme. Qëllimi i themelimit të Qendrës së Karrierës është identifikimi i talentëve dhe potencialeve si dhe zhvillimi i tyre.

Projekti për Qendrën e Karrierës u realizua në bashkëpunim me Ministrinë e Arsimit, Shkencës, Teknologjisë dhe Inovacionit (MASHTI) dhe përfaqësuesit e Projektit Rritja e Punësimit për të Rinj (EYE).

- Kemi pranuar një donacion te vlefshëm për nxënësit e IAAP "Fan.S.Noli" me pajisje të zdrukthëtarisë nga bashkëpunimi që kemi pasur me qytetin e Bursës.

- Kemi ndarë bursa për 265 student në vlerë prej 92,750 euro

### **Kapitalet:**

- Kemi inauguruar masat e efijencës së energjisë - projekt i realizuar në bashkëfinancim mes Qeverisë së Kosovës, BE-së dhe Bankës Botërore në vlerë 730,000 euro.

- Janë në fazën e vlersimit 5 lotot projektet e infrastrukturës shkollore, për këtë projekt janë të planifikuara 500,000 euro.

- Janë duke u vlersuar nga komisioni ofertat lidhur me ndertimin e shkollës së mesme ekonomike Isa Boletini, për këtë projekt janë të planifikuara 2,000,000 euro.

- Është lidhur kontrata për ndërtimin e shkollës fillore në Dumosh në vlerë 562,000 euro.

- Salla e edukatës fizike në shkollën fillore Enver Maloku në përfundim e cila kap vlerën prej, 215,488.48 euro.

- Në ndërtim e siper shkolla fillore në Obranç e cila kap vlerën prej 497,715.63 euro

- Salla e edukatës fizike në shkollën fillore Naim Frashëri në vlerë prej: 303,773.08 euro.

- Fillimi i punimeve në çerdhën më të madhe publike me kapacitet prej me hapësirë prej 1400 m<sup>2</sup> 687 mijë euro

- Ndërtimi i liftit, pjerrinave dhe renovimi i banjave për nxënësit me nevoja të veçanta në shkollën "Shaban Shala" në Podujevë të financuar nga Bashkimi Evropian që kap vlerën 150,000 euro.

- Renovimi i tërësishëm i brendshëm i pjesës së vjetër të objektit të shkollës "Shaban Shala" në Podujevë të financuar nga Bashkimi Evropian që kap vlerën 350,000 euro.

- Realizimi i projektit "Yeni" bashkëfinancim mes Komunës së Podujevës dhe Caritasit Zvicëran për dy shkollat e mesme "Aleksander Xhuvani" dhe "Fan S. Noli" në Podujevë që kap vlerën 9,000 euro .

### **Aktivite:**

- Me pjesëmarrjen e mbi 1000 nxënësve të shkollave të mesme, shoqatën e peshkatarëve "Llapi", OJQ lokale dhe qytetarë të komunitetit të Orllanit është zhvilluar aksioni për pastrimin e të gjithë hapësirës përreth Liqenit të Batllavës në gjatësi rreth 8 km.

- Bashkpunime me OJQ vendore punëtori e përbashkët ku qëllimi i kësaj punëtorie është krijimi i një agjende të qytetit ku do të përmirësohen hapësirat publike, dhe në fokus të saj ka krijimin e një qyteti më të mirë për fëmijët dhe të rinjtë duke zhvilluar një plan gjithëpërfshirës për të adresuar sfidat me të cilat ata përballen në përditshmëri.

- **Sfidat**

Përkundër vlerësimeve të gjendjes së sigurisë së përgjithshme në institucionet edukativo-arsimore në Komunën e Podujevës si të qetë, të sigurt dhe stabile, megjithatë kemi çështje, fatmirësisht jo të shumta, të cilave ende nuk kemi mundur t'u japim zgjidhje të plotë. Disa nga to janë:

- Incidentet dhe zënkat ndërmjet nxënësve,
- Lokalet afër shkollave,
- Qentë endacak,
- Komunikacioni,

DKA në bashkëpunim të ngushtë me të gjithë akterët përgjegjës për mbarëvajtjen e procesit mësimor dhe për ruajtjen e rendit dhe sigurisë (drejtorinë e shkollave, organet e shkollave, policinë, QPS, OJQ etj.), do të ndërmarrin të gjitha masat e nevojshme për të siguruar mjedis të qetë dhe të sigurt në të gjitha institucionet edukative-arsimore.

Avni Fetahu

Drejtor i DKA-së

